



POMOĆ DECI



AGREE – ACTION FOR GIRLS' RIGHTS TO EQUALITY AND EMPOWERMENT!"
IPA III / 2024 / 459-906

Datum: 4.3.2026. godina

POZIV ZA UČEŠĆE NA TRENINGU ZA LOKALNE INICIJATIVE I OMLADINSKO DJELOVANJE

u okviru projekta AGREE! – Akcija za prava djevojaka na jednakost i osnaživanje (engl. Action for Girls' Rights to Equality and Empowerment)

Poštovani/a,

Međunarodno udruženje "Interaktivne otvorene škole" (MIOS) Tuzla poziva predstavnike/ce omladinskih organizacija i organizacija civilnog društva, iz cijele Bosne i Hercegovine da se prijave na treninge za lokalne inicijative i omladinsko djelovanje koji se organizuju u okviru regionalnog projekta AGREE! – **Akcija za prava djevojaka na jednakost i osnaživanje (engl. Action for Girls' Rights to Equality and Empowerment)**, finansiranog od strane Evropske unije u okviru IPA III programa.

O PROJEKTU

Projekat AGREE! provodi se u osam zemalja: Srbija, Albanija, Crna Gora, Sjeverna Makedonija, Kosovo*, Rumunija i Turska. Vodeći partner je organizacija Pomoć deci (CYSO) iz Srbije, a u Bosni i Hercegovini projekat implementira Međunarodno udruženje "Interaktivne otvorene škole" (MIOS) Tuzla.

Cilj projekta je jačanje kapaciteta omladinskih organizacija za:

- rodnu ravnopravnost i antidiskriminaciju,
- osnaživanje djevojčica i djevojaka (socijalno, finansijsko, preduzetničko),
- prevenciju vršnjačkog rodno zasnovanog nasilja,
- peer edukaciju i učešće mladih u društvenim procesima,
- organizacijski razvoj lokalnih i grassroots CSO.



Co-funded by
the European Union



O TRENINGU

Trening obuhvata četiri tematska modula:

1. Rodna ravnopravnost i antidiskriminacija
2. Vršnjačka edukacija
3. Socijalno i finansijsko osnaživanje
4. Organizacijski razvoj omladinskih organizacija

Datumi održavanja treninga:

- Trening za teme pod rednim brojem 1. i 2. će se održati: 6. – 9. aprila 2026. godine
- Trening za teme pod rednim brojem 3. i 4. će se održati: 16. – 19. aprila 2026. godine

Mjesto održavanja treninga: MIOS trening centar (Tuzla, BIH)

Za koga su namijenjeni treninzi:

- Mladi od **18 do 30 godina**;
- Predstavnici/ce i aktivni/e članovi/ce omladinskih organizacija i lokalnih organizacija civilnog društva.

Dodatni poželjni kriteriji:

- Mladi motivisani da rade na temama rodne ravnopravnosti, prevencije nasilja i osnaživanja djevojaka;
- Spremni da preuzmu facilitatorsku ulogu u lokalnim zajednicama.

Napomena: Broj mjesta je ograničen. Poželjno je da se prijave 2 osobe ispred organizacije. Svi/e učesnici/ce koji/e se prijave, obavezni/e su prisustvovati tokom oba treninga. Prijave idu po pravilu "ko se prvi prijavi".

Troškovi učešća na treningu: Besplatno.

Logističke informacije:

Tokom treninga, za sve učesnike/ce, organizator pokriva troškove:

- Prostora;
- Materijala;
- Hrane i osvježenja.

Transport:

Za učesnike/ce čije je mjesto prebivališta od mjesta realizacije treninga u jednom pravcu udaljeno više od 40 km, organizator snosi troškove prevoza (visina cijene povratne karte javnog prevoza).





Takođe, za učesnike/ce koji/e dolaze izvan Tuzlanskog kantona, organizator pokriva troškove:

- prevoza (visina cijene povratne karte javnog prevoza od mjesta prebivališta do mjesta održavanja treninga);
- smještaja.

Uvjerenje o prisustvu: Svi/e učesnici/ce, koji/e budu prisustvovali/e najmanje 80% od ukupnog trajanja treninga će dobiti uvjerenje o prisustvu.

ŠTA SE OČEKUJE OD UČESNIKA/CA NAKON TRENINGA?

Učešćem tokom planiranih treninga učesnik/ca se obavezuju da:

1. budu članovi zajednice vršnjačkih trenera: nakon treninga, učesnici/ce postaju dio mreže budućih vršnjačkih trenera. Treneri će međusobno sarađivati, dogovarati i realizirati treninge na području Bosne i Hercegovine.
2. provedu lokalne treninge u vlastitim lokalnim zajednicama. Svaki učesnik/ca će održati 4 trodnevna lokalna treninga, na teme:
 1. Rodna ravnopravnost i antidiskriminacija;
 2. Vršnjačka edukacija;
 3. Socijalno i finansijsko osnaživanje;
 4. Organizacijski razvoj omladinskih organizacija.

Treninge treba provesti do kraja mjeseca juna 2026. godine.

Jedan trening, jedna tema.

Učesnici/ce lokalnih treninga trebaju biti mladi, odnosno predstavnici/ce omladinskih organizacija, organizacija civilnog društva koje se bave mladima i pitanjima mladih. Poželjno je da ista grupa učesnika/ca prisustvuje tokom sva 4 treninga.

MIOS Tuzla će u okviru projekta za sve učesnike/ce, vršnjačke edukatore, obezbijediti priručnike/ce za pripremu i realizaciju lokalnih treninga.

Dodatno, u svrhu realizacije lokalnih treninga, MIOS Tuzla će u okviru projekta obezbijediti sredstva za:

- Materijale;
- Hranu;
- Osvježenje.

DODATNA MOGUĆNOST

Organizacije čiji predstavnici prisustvuju tokom svih treninga na nacionalnom i lokalnom nivou, stiču pravo da apliciraju za sub-grantove.



Poziv za dodjelu grantova će biti objavljen u augustu 2026. godine i biti će namijenjeni za podršku kampanjama i inicijativama vezanim za:

- osnaživanje djevojčica i djevojaka,
- prevenciju predrasuda i stereotipa,
- prevenciju vršnjačkog rodno zasnovanog nasilja,
- lokalne akcije i umrežavanje mladih.

PRIJAVA ZA UČEŠĆE TOKOM TRENINGA

Prijave se vrše isključivo putem obrasca: [PRIJAVNI OBRAZAC](#)

Rok za prijavu: 20.3.2026. godina, do 12:00 sati.

Svim prijavljenim učesnicima/ama će biti dostavljena agenda treninga sa svim detaljima, nakon zatvaranja prijava.

DODATNE INFORMACIJE

Kontakt: Azra Musić, voditeljica projekta/programa

Email: azra@ioskole.net

Telefon: 061/141-409



Co-funded by
the European Union